

HIERONYMUS.

ΕΥΣΕΒΙΟΣ.

EUSEBIUS.

¹ SION, mons urbis Hierusalem.

Σιών, ὄρος ἐν Ἱερουσαλήμ.

SION, mons in Hierusalem.

² SIOR, in tribu Aser.

Σιὼρ, κλίμας Ἀσήρ.

SIOR, fortis Aser.

SIPH. Vide SCIPH.

SIRA, cisternæ nomen 2 Reg. III. v. 26.

³ SIROTHA, (vel ut alii libri habent Seirotha) quo confugit Judex Abod. diximus autem supra de Seira.

Σειρωθὰ, ἐνθα κατέφυγεν Ἀβὺδ. καί ται καὶ ἀνωτέρω Σεειρά.

SIROTHA, quo confugit Aud. posita etiam supra Seira.

SIS, clivus in tribu Juda, & deserto Thecuë, ut ex adjunctis circumstantiis, & totâ narratione colligitur 2 Paral. xx. v. 16.

SMYRNA, Ptolemæo, Straboni, Stephano Ioniæ in Asia propriè dicta urbs.

SOBA, quæ & SOBAL, & SUBA in Scriptura appellatur, Syriæ pars est, quæ & Syria Soba in Scriptura dicitur, videturque ea pars Syriæ fuisse, quæ Manassitas trans Jordanem contiguos habebat ad Austrum, ad Septemtrionem verò Damalceos, quandoquidem rege David proficiscente ut dilataret imperium suum usque ad Euphratem, primus qui ab eo percutitur, est rex Soba 2 Reg. VIII. v. 3. & 1 Paral. XVIII. v. 3. erat igitur in primo Syriæ ex Judæâ aditu. Eadem Soba extendi videtur ad radices Antilibani cis Jordanem in Emath usque, quandoquidem Emath Sobæ annumeretur 2 Paral. VIII. v. 3. & Sobæ regioni Emath 1 Paral. XVIII. v. 3.

SOBAL. Vide SOBA proximè.

⁴ SOCCHO, in tribu Juda. Sunt autem usque hodie viculi duo pergentibus Eliam de Eleutheropoli in nono milliario viæ publicæ, unus in monte, alter in campo situs, qui Sochoth nominantur.Ῥοκχὼ, κῶμαι εἰσι δύο ἀπὸντων ἀπὸ Ἐλευθεροπόλεως εἰς Αἰλίαν ἐν τῷ 9^ῳ σημείῳ· ἡ μὲν ἀνωτέρα, ἡ δὲ κατωτέρα, Ῥοκχὼδ' χρηματίζονται, φυλῆς Ἰούδα.

SOCCHO, Duo sunt viculi ascendentes Eleutheropoli Eliam in nono milliario: alter superior, alter inferior, qui vocantur Soëchoth in tribu Juda.

⁵ SOCCHO, de qua & supra dictum est. Dicuntur autem Samaritani, qui de Babylone profecti sunt, hunc viculum condidisse.

Ῥοκχὼ, ἀνωτέρω καί ται ἡ Ῥοκχὼ λέγονται δὲ αὐτὴν κτίσαι οἱ ἀπὸ Βαβυλῶνος Σαμαρείται.

SOCCHO, Suprà posita est Soëcho. porro dicuntur hanc condidisse Samaritani illi, qui Babylone profecti sunt.

⁶ SOCHOTH, prima mansio filiorum Israël in deserto, postquam de Ægypto sunt profecti, antequam mare transirent Rubrum.

Ῥοκχὼθ, τοῦτο σταθμὸς τῶν υἱῶν Ἰσραὴλ, ἐπὶ τῆς ἐρήμου, πρὸ τῆς ἐγυθρᾶς θαλάσσης ἐξεληθέντων ἀπὸ Αἰγύπτου.

SOCCHOTH, id est statio filiorum Israël in eremo ante mare rubrum, cum egressi sunt de Ægypto.

SOCOTH, duplex imprimis locus distinguendus in Scriptura est, & uterque à tabernaculis dictus (id enim סוּכּוֹ Succoth, vel Socoth Hebraicè significat) unus est locus ille, in quo primâ nocte & mansione sua tabernacula fixerunt Israëlites egressi ex Ægypto, Exodi XII. v. 37. Num. XXXIII. v. 5. in extremis ferè Ægypti, juxta mare rubrum, finibus. Alter locus est trans Jordanem juxta torrentem Jaboc, in quo Jacob ex Mesopotamia reversus ædificatâ domo, fixisque tentoriis primùm confedit Gen. XXXIII. v. 17. quod nomen ab ipsâ re ibi Jacob imponit. Fuit autem urbs postea eo loco condita, quæ idem nomen retinuit, fuitque in tribu Gad, Josue XIII. v. 27. Addi potest his & urbs in tribu Juda Socoth dicta Jos. xv. v. 48. Sed hæc per initio in Hebræo scribitur.

SODI, flumen in Babylonia, Baruch I. v. 4.

NOTÆ.

1. Fuit hic mons in Australi plaga urbis Jerusalem, idemque cæteris ejusdem urbis montibus altior, præsertim qua parte ad Occidentem & Meridiem spectabat, sic ferè ut ad Septemtrionem & Orientem perpetuus esset descensus, in cujus Occidentali parte Jebusæorum arx, & postea civitas David fuit. Sion Hieronymus *speculam* interpretatur. Est & Sion alterius montis nomen, Deuter. 4. v. 48. quî vulgari nomine Hermon dictus est, in extremis finibus regionis Trans-Jordanicæ ad Aquilonem. Verùm inter hos duos montes, etsi versio nostra quoad scriptionem non distinguat, est tamen in Hebræo non parva distinctio; prior enim ille mons Hierosolymitanus, & Sion dicitur, alter verò trans Jordanem & Sion appellatur. BONFRERIUS.

2. Hæc in versione nostra Sior appellatur Jos. 19. v. 26. de quo supra suo loco diximus. Est verò & alterius urbis nomen Sior in tribu Juda Jos. 15. v. 54. IDEM.

3. In versione nostra Seirath appellatur Judic. 3. v. 26. de quo supra suo loco dictum est. IDEM.

4. Inter tribus Judæ urbes campestres Soccho numeratur Jos. 15. v. 35. eademque Soccho Juda dicitur 1 Reg. 17. v. 1. Juxta hanc urbem habitum est illud singulare certamen, idemque memorabile Davidis

& Goliath 1 Reg. 17. v. 1. fuisse juxta Ramatha, & terminos tribus Ephraim colligitur è 1 Reg. 19. v. 22. fuisse & aliam Soccho in tribu Zabulon, cujus fiat mentio 3 Reg. 4. v. 10. colligo, qua de re ad eum locum dicendum erit. IDEM.

5. Samaritanos eam urbem vel vicum condidisse, qui in tribu Juda Soccho dicebatur, nullo modo potest esse verum, cum ille in tribu Juda vicus multo ante Samaritanorum in terram Israël adventum extiterit, & Samaritani nunquam in tribum Juda penetraverint. Sed neque illud verum esse existimo, Samaritanos Babylone profectos ullum vicum Soccho vel Socoth nomine excitasse: alludit enim hic Eusebius ad id, quod habetur 4 Reg. 17. v. 30. Viri Babylonii fecerunt Socothbenoth; ubi vox illa Socoth vel Socothbenoth non est vicus nomen, sed idoli. IDEM.

6. In versione nostra Socoth appellatur hæc prima Israëlitarum mansio Exodi 12. 13. & Num. 33. v. 5. de qua proximè in Socoth. Est & Socoth locus alter trans Jordanem in tribu Gad, cujus fit mentio 3 Reg. 7. v. 46. de quo plura in Socoth. IDEM.

7. Soccho. Ita rectè Martianus. non Soccho, ut habebat Bonfrerius. LXX. Intt. in Codice Vaticano habent Σωχὼ, in Alexandrino Σωχά. CLERICUS.